

Bosna i Hercegovina  
- Federacija Bosne i Hercegovine -  
TUZLANSKI KANTON  
Skupština

Broj: 02-02-645-21/10  
Tuzla, 12.11.2010.g.

Na osnovu člana 86. Poslovnika Skupštine Tuzlanskog kantona – prečišćeni tekst ("Službene novine Tuzlanskog kantona", br. 10/04, 13/06 i 1/08), Služba Skupštine Tuzlanskog kantona, d a j e

## Z A P I S N I K

### SA KONSTITUIRAJUĆE SJEDNICE SKUPŠTINE TUZLANSKOG KANTONA ODRŽANE 12.11.2010., 24.11.2010., 20.12.2010. i 23.12.2010.GODINE

Intoniranjem himne započela je konstituirajuća sjednica Skupštine Tuzlanskog kantona.

Sjednica je otvorena u 14 sati i njome je predsjedavao predsjednik Skupštine Tuzlanskog kantona iz prethodnog saziva Amir Fazlić, te je pozvao prisutne da učenjem fatihe, minutom šutnje ili na drugi prigodan način odaju počast šehidima i poginulim borcima.

Predsjedavajući je obavijestio prisutne da ga je Mijo Krešić obavijestio o spriječenosti prisustva današnjoj sjednici, te je konstatovao da sjednici prisustvuje 34 poslanika.

Na današnju sjednicu su pozvani sljedeći gosti: predstavnici općina, vladinih i nevladinih organizacija i udruženja, kulturnih i javnih institucija, univerziteta, pravosuđa, tužilaštva, međunarodnih organizacija, kao i premijer Kantona, članovi Vlade i drugi gosti i građani.

Predsjedavajući je predložio sljedeći

#### *Dnevni red:*

1. Konstituisanje Skupštine Tuzlanskog kantona:
  - a) Upoznavanje sa konačnim potvrđenim rezultatima izbora u Skupštinu Tuzlanskog kantona
  - b) Uručivanje Uvjerenja o dodjeli mandata poslanika u Skupštini Tuzlanskog kantona
  - c) Davanje svečane izjave poslanika Skupštine Tuzlanskog kantona
2. Konstituisanje klubova poslanika konstitutivnih naroda i kluba ostalih u Skupštini Tuzlanskog kantona i predlaganje kandidata za izbor na mjesto predsjednika ili zamjenika predsjednika Skupštine
3. Donošenje Odluke o potvrđivanju kandidata za izbor na mjesto predsjednika ili zamjenika predsjednika Skupštine Tuzlanskog kantona
4. Upoznavanje sa Odlukom o izboru predsjednika i zamjenika predsjednika Skupštine Tuzlanskog kantona
5. Donošenje:
  - a) Odluke o izboru privremene Komisije za izbor i imenovanja Skupštine Tuzlanskog kantona
  - b) Odluke o izboru privremene Administrativne komisije Skupštine Tuzlanskog kantona
6. Izbor delegata u Dom naroda Parlamenta Federacije Bosne i Hercegovine

Predsjedavajući je konstatovao *da je dnevni red konstituirajuće sjednice Skupštine Tuzlanskog kantona usvojen jednoglasno.*

*Tok sjednice:*

1. Konstituisanje Skupštine Tuzlanskog kantona:

a) Upoznavanje sa konačnim potvrđenim rezultatima izbora u Skupštinu Tuzlanskog kantona

b) Uručivanje Uvjerenja o dodjeli mandata poslanika u Skupštini Tuzlanskog kantona

c) Davanje svečane izjave poslanika Skupštine Tuzlanskog kantona

a) Predsjedavajući je upoznao prisutne sa konačno potvrđenim rezultatima izbora u Skupštini Tuzlanskog kantona i pročitao obavještenje Centralne izborne komisije, spisak izabranih kandidata.

b) Predsjedavajući je zamolio da predsjednica Centralne izborne komisije gđa. Irena Hadžiabdić dodijeli uvjerenja o dodjeli mandata prema dostavljenoj listi.

Predsjednica Centralne izborne komisije gđa. Irena Hadžiabdić je dodijelila uvjerenja po dostavljenoj listi, i to:

1. Abdulahović Mustafa
2. Alić Senad
3. Azabagić Alija
4. Bašić Zahid
5. Bećirović Hajrudin
6. Čaušević Sead
7. Divković Ivo
8. Dostović Rasim
9. Hadžić Dževad
10. Hasić Asmir
11. Hrvić Dženita
12. Ilić Slađan
13. Imamović Besim
14. Jašarević Bajazit
15. Jovanović Zoran
16. Jukan Džemal
17. Kamenjaković Samir
18. Kupusović Omer
19. Krešić Mijo
20. Mustafić Ferhat
21. Mujčinović Suada
22. Murselović Muhamed
23. Nurkanović Mahir
24. Okić Azra
25. Sagdati Šiljić Redžiba
26. Smajlović Maida
27. Skopljak Fahrudin
28. Šaković Senahid
29. Šabović Salih
30. Šadić Muhamed
31. Šerifović Mersed

- 32. Šimić Zlatko
- 33. Turbić Semir
- 34. Ustavdić Murisa

Konstatovano je da Selimović Mirsad nije dobio uvjerenje, ali da će mu biti naknadno uručeno.

c) Zatim je predsjedavajući pozvao poslanike da ustanu i daju svečanu izjavu, te da potpisanu svečanu izjavu dostave Službi Skupštine. Nakon davanja i potpisivanja svečane izjave predsjedavajući je novoizabranim poslanicima uputio najiskrenije čestitke i želje za uspjeh u budućem radu.

Predsjednica Centralne izborne komisije gđa. Irena Hadžiabdić je u ime Centralne izborne komisije čestitala novoizabranim poslanicima na izboru i zažejala uspjeh u daljem radu. Takođe je podsjetila da izjave o imovinskom stanju poslanici treba da dostave do 02.12.2010. godine. Čestitkama se pridružio i predstavnik CIK-a Stjepan Mikić.

Predsjedavajući je konstatovao da je za današnju sjednicu predviđeno realizovanje tačke 5. a da će se ostale tačke realizovati u nastavku sjednice koji bi se održao 22/23 novembra.

2. Prešlo se na realizaciju tačke 5. dnevnog reda:

a) Donošenje Odluke o izboru privremene Komisije za izbor i imenovanja Skupštine Tuzlanskog kantona

b) Donošenje Odluke o izboru privremene Administrativne komisije Skupštine Tuzlanskog kantona

a) Predsjedavajući je obavijestio da su za predsjednika i članove privremene Komisije za izbor i imenovanja predloženi sljedeći kandidati:

- 1. Fahrudin Skopljak - predsjednik
- 2. Suada Mujčinović - član
- 3. Mijo Krešić - član
- 4. Muhamed Šadić - član
- 5. Mahir Nurkanović - član
- 6. Mirsad Selimović - član
- 7. Samir Kamenjaković - član

*Skupština Kantona je jednoglasno usvojila prijedlog i donijela Odluku o izboru privremene Komisije za izbor i imenovanja Skupštine Tuzlanskog kantona.*

b) Predsjedavajući je obavijestio da su za predsjednika i članove privremene Administrativne komisije predloženi sljedeći kandidati:

- 1. Hajrudin Bećirović - predsjednik
- 2. Semir Turbić - član
- 3. Džemal Jukan - član
- 4. Zahid Bašić - član

5. Mersed Šerifović - član
6. Besim Imamović - član
7. Ivo Divković – član

*Skupština Kantona je jednoglasno usvojila prijedlog i donijela Odluku o izboru privremene Administrativne komisije Skupštine Tuzlanskog kantona.*

Sjednica je prekinuta u 14,30 sati.

Nastavak konstituirajuće sjednice Skupštine Kantona održan je 24.11.2010. godine u 12 sati.

Prije početka nastavka konstituirajuće sjednice održana je sjednica Kolegija Skupštine na kojoj je predloženo da se za predsjedavajućeg Skupštinom do izbora novog rukovodstva izabere poslanik Sead Čaušević, što je Skupština jednoglasno i podržala.

Predsjedavajući je obavijestio prisutne da današnjoj sjednici prisustvuje 34 poslanika, što predstavlja kvorum za rad i odličivanje na sjednici Skupštine, te da je Mijo Krešić obavijestio o spriječenosti prisustva današnjoj sjednici.

Predsjedavajući je pozdravio goste koji su pozvani na sjednicu, i to: predstavnici općina, vladinih i nevladinih organizacija i udruženja, kulturnih i javnih institucija, univerziteta, pravosuđa, tužilaštva, međunarodnih organizacija, kao i premijer Kantona, članovi Vlade i drugi gosti i građani.

Potom se učenjem fatihe, minutom šutnje odala počast šehidima i poginulim borcima.

Predsjedavajući je podsjetio da su za nastavak današnje sjednice preostale sljedeće tačke dnevnog reda:

2. Konstituisanje klubova poslanika konstitutivnih naroda i kluba ostalih u Skupštini Tuzlanskog kantona i predlaganje kandidata za izbor na mjesto predsjednika ili zamjenika predsjednika Skupštine

3. Donošenje Odluke o potvrđivanju kandidata za izbor na mjesto predsjednika ili zamjenika predsjednika Skupštine Tuzlanskog kantona

4. Upoznavanje sa Odlukom o izboru predsjednika i zamjenika predsjednika Skupštine Tuzlanskog kantona

6. Izbor delegata Skupštine Tuzlanskog kantona u Dom naroda Parlamenta Federacije BiH

**T o k s j e d n i c e:**

2. U okviru druge tačke dnevnog reda predsjedavajući *Sead Čaušević* je dao pauzu od 15 minuta radi konstituisanja klubova poslanika konstitutivnih naroda i kluba ostalih u Skupštini Tuzlanskog kantona i predlaganja kandidata za izbor na mjesto predsjednika ili zamjenika predsjednika Skupštine.

Nakon pauze, *Senad Alić* je u ime Kluba bošnjačkog naroda, obavijestio Skupštinu Kantona da je na osnovu člana 9. Poslovnika Skupštine TK, konstituisan Klub bošnjačkog naroda i da je za predsjednika jednoglasno izabran Bajazit Jašarević, a za zamjenika predsjednika Suada Mujčinović. Takođe je obavijestio da Klub za sada nema usaglašen prijedlog za predsjednika ili zamjenika predsjednika Skupštine TK.

*Zlatko Šimić* je u ime Kluba hrvatskog naroda, obavijestio Skupštinu Kantona da je na osnovu člana 9. Poslovnika Skupštine TK, konstituisan Klub hrvatskog naroda kojeg sačinjavaju Zlatko Šimić i Ivo Divković, i da je kandidat za mjesto predsjednika ili zamjenika predsjednika Skupštine Zlatko Šimić.

Takođe je na osnovu Poslovnika Skupštine TK nominirao kandidate za Dom naroda i to: 1. Ivo Divković i 2. Zlatko Šimić.

*Sladjan Ilić* je u ime Kluba srpskog naroda obavijestio Skupštinu Kantona, da je na osnovu člana 9. Poslovnika Skupštine TK, konstituisan Klub srpskog naroda kojeg sačinjavaju *Sladjan Ilić* i *Zoran Jovanović*, i da je kandidat za mjesto predsjednika ili zamjenika predsjednika Skupštine *Sladjan Ilić*.

Takođe je na osnovu Poslovnika Skupštine TK nominirao kandidate za Dom naroda i to: 1. *Zoran Jovanović* i 2. *Sladjan Ilić*.

Poslanik *Ferhat Mustafić* je obavijestio Skupštinu da se izjašnjava kao Bosanac i da je konstituisao Klub ostalih.

Predsjedavajući je konstatovao da Klub bošnjačkog naroda nema prijedlog kandidata za predsjednika ili zamjenika predsjednika Skupštine Tuzlanskog kantona, dok su ostali klubovi konstituisali klubove i utvrdili kandidate za predsjednika ili zamjenika predsjednika Skupštine TK, te da su predložene dvije liste kandidata za Dom naroda i to iz reda srpskog i hrvatskog naroda. Predložio je da današnju sjednicu zaključi, a da se nastavak sjednice zakaže za 5-6 dana.

Sekretar Skupštine *Ahmet Smajović* je podsjetio poslanike da dostave izjave o imovinskom stanju i potvrde o prijemu uvjerenja o dodjeli mandata u Službu Skupštine kako bi iste bile prosljeđene CIK-u.

Sjednica je prekinuta u 12,15 sati.

Drugi nastavak konstituirajuće sjednice Skupštine Kantona održan je 20.12.2010. godine u 11,10 sati.

Predsjedavajući Skupštinom *Sead Čaušević* je obavijestio Skupštinu da je prije početka sjednice na zahtjev Kluba poslanika SDA održana sjednica Kolegija Skupštine. Na sjednici Kolegija Skupštine je razmatran i prihvaćen zahtjev Kluba poslanika SDA da se nastavak sjednice održi u četvrtak 23.12.2010. godine sa početkom u 9,00 sati, jer nije usaglašen prijedlog Kluba Bošnjaka u vezi prijedloga kandidata za Dom naroda Parlamenta FBiH. S obzirom da je zakazana sjednica hitnog karaktera za četvrtak u 10,00 sati i da je do navedenog dana moguće izvršiti dodatne konsultacije predloženo je da se Skupština izjasni da se nastavak konstituirajuće sjednice održi u 9,00 sati.

Otvorena je rasprava u kojoj je učešće uzeo poslanik *Zoran Jovanović* koji je izrazio neslaganje sa navedenim prijedlogom.

Nakon iznesenog, predsjedavajući Skupštinom *Sead Čaušević* je dao na izjašnjavanje prijedlog Kolegija Skupštine da se nastavak sjednice odloži za četvrtak 23.12.2010. godine sa početkom u 9,00 sati.

*Skupština Kantona je sa 27glasova "za", bez ijednog glasa "protiv" i 7 "uzdržanih" glasova prihvatila navedeni prijedlog.*

Drugi nastavak konstituirajuće sjednice prekinut je u 11,15 sati.

Treći nastavak konstituirajuće sjednice Skupštine Kantona održan je 23.12.2010. godine u 9,15 sati.

Predsjedavajući je obavijestio prisutne da današnjoj sjednici prisustvuje 34 poslanika, što predstavlja kvorum za rad i odličivanje na sjednici Skupštine, te da je Mijo Krešić obavijestio o spriječenosti prisustva današnjoj sjednici.

Predsjedavajući je pozdravio goste koji su pozvani na sjednicu i to: predstavnike općina, vladinih i nevladinih organizacija i udruženja, kulturnih i javnih institucija,

univerziteta, pravosuđa, tužilaštva, međunarodnih organizacija, kao i premijer Kantona, članovi Vlade i drugi gosti i građani.

Predsjedavajući je podsjetio da su za nastavak današnje sjednice preostale sljedeće tačke dnevnog reda:

2. Konstituisanje klubova poslanika konstitutivnih naroda i kluba ostalih u Skupštini Tuzlanskog kantona i predlaganje kandidata za izbor na mjesto predsjednika ili zamjenika predsjednika Skupštine

3. Donošenje Odluke o potvrđivanju kandidata za izbor na mjesto predsjednika ili zamjenika predsjednika Skupštine Tuzlanskog kantona

4. Upoznavanje sa Odlukom o izboru predsjednika i zamjenika predsjednika Skupštine TK

6. Izbor delegata u Dom naroda Parlamenta Federacije BiH

#### T o k s j e d n i c e:

2. Prešlo se na drugu tačku dnevnog reda “Konstituisanje klubova poslanika konstitutivnih naroda i kluba ostalih u Skupštini Tuzlanskog kantona i predlaganje kandidata za izbor na mjesto predsjednika ili zamjenika predsjednika Skupštine”.

Na prvom dijelu sjednice je realizovan dio ove tačke dnevnog reda, odnosno konstituisani su klubovi poslanika konstitutivnih naroda i predloženi su kandidati za predsjednika ili zamjenika predsjednika iz reda hrvatskog naroda Zlatko Šimić i iz reda srpskog naroda Slađan Ilić.

Zamjenik predsjednika Kluba Bošnjaka *Suada Mujčinović* je obavijestila Skupštinu da je Klub održao sjednicu i da je kandidat Kluba poslanika Bošnjaka za izbor na mjesto predsjednika ili zamjenika predsjednika gosp. Bajazit Jašarević. Od 30 prisutnih poslanika Kluba Bošnjaka prijedlog kandidata za izbor na mjesto predsjednika ili zamjenika predsjednika Skupštine podržalo je 26 poslanika, ni jedan poslanik nije bio „protiv“ i 4 poslanika su se “uzdržala“ od glasanja.

3. Donošenje Odluke o potvrđivanju kandidata za izbor na mjesto predsjednika ili zamjenika predsjednika Skupštine Tuzlanskog kantona.

Predsjedavajući je predložio da se o svakom prijedlogu Kluba izjašnjava pojedinačno, te se prešlo na izjašnjavanje o prijedlogu Odluke o potvrđivanju Bajazita Jašarevića kao kandidata kluba bošnjačkog naroda za predsjednika ili zamjenika predsjednika Skupštine.

*Predsjedavajući je konstatovao da je prijedlog Kluba poslanika Bošnjaka za kandidata za predsjednika ili zamjenika predsjednika Skupštine Tuzlanskog kantona potvrđen sa 25 glasova “za”, bez ijednog glasa “protiv” i 3 “uzdržana” glasa.*

Prešlo se na izjašnjavanje o prijedlogu Odluke o potvrđivanju Zlatka Šimića kao kandidata Kluba poslanika Hrvata za predsjednika ili zamjenika predsjednika Skupštine Kantona.

*Predsjedavajući je konstatovao da je prijedlog Kluba poslanika Hrvata za kandidata za predsjednika ili zamjenika predsjednika Skupštine Tuzlanskog kantona potvrđen sa 26 glasova “za”, bez ijednog glasa “protiv” i 3 “uzdržana” glasa.*

Potom je predsjedavajući dao na izjašnjavanje prijedlog Odluke o potvrđivanju Slađana Ilića kao kandidata Kluba poslanika Srba za predsjednika ili zamjenika predsjednika Skupštine Kantona.

*Predsjedavajući je konstatovao da je prijedlog Kluba poslanika Srba za kandidata za predsjednika ili zamjenika predsjednika Skupštine Tuzlanskog kantona potvrđen sa 26 glasova "za", bez ijednog glasa "protiv" i 3 "uzdržana" glasa.*

Predsjedavajući je dao pauzu kako bi kandidati za mjesto predsjednika ili zamjenika predsjednika Skupštine, između sebe natpolovičnom većinom odlučili ko će biti predsjednik Skupštine Kantona, i sa tom odlukom upoznati Skupštinu Kantona.

Prije pauze, Komisija za izbor i imenovanja je izvršila žrijebanje redosljeda kandidatskih listi na glasačkom listiću za delegate iz reda bošnjačkog naroda po ovjerenim listama Šadić Muhameda, Bećirović Hajrudina, Abdulahović Mustafe, Šiljić-Sagdati Redžibe, Čaušević Seada i Šabović Saliha, kako bi se utvrdio redosljed kandidatskih listi u Klubu bošnjačkog naroda i izvršile tehničke pripreme u vezi štampanja glasačkih listića.

(Pauza data u 9,30 sati)

(10,20 sati)

Nakon pauze, predsjedavajući *Sead Čaušević* je obavijestio Skupštinu da će kandidati obavijestiti Skupštinu na kraju današnje sjednice ko će od kandidata biti izabran na mjesto predsjednika i zamjenika predsjednika Skupštine.

Poslanik *Besim Imamović* je podsjetio Skupštinu na naziv tačke dnevnog reda, te zatražio da se informiše Skupština o nastaloj situaciji.

Predsjedavajući je iznio da će se kandidati do kraja sjednice odlučiti ko će biti predsjednik Skupštine Kantona, i sa tom odlukom upoznati Skupštinu Kantona.

Potom je predložio da se pređe na tačku 6. dnevnog reda.

6. Potom se prešlo na realizaciju šeste tačke dnevnog reda "Izbor delegata u Dom naroda Parlamenta Federacije Bosne i Hercegovine". Sekretar Skupštine *Ahmet Smajović* je obavijestio prisutne o prispjelim listama kandidata za izbor delegata u Dom naroda Parlamenta FBiH i dao uputstva vezano za način glasanja, te iznio detalje vezano za proceduru.

Potom se pristupilo proceduri tajnog glasanja, nakon čega je predsjedavajući dao pauzu od 15 minuta kako bi Komisija za izbor i imenovanja utvrdila rezultate glasanja.

Nakon pauze, predsjednik Komisije za izbor i imenovanja *Fahrudin Skopljak* je podnio Izvještaj Komisije koji glasi: "Centralna izborna komisija Bosne i Hercegovine je potvrdila i ovjerala kandidatske liste za izbor delegata iz reda bošnjačkog naroda, hrvatskog naroda i srpskog naroda u Dom naroda Parlamenta Federacije Bosne i Hercegovine iz Tuzlanskog kantona.

Komisija za izbor i imenovanja Skupštine Tuzlanskog kantona je, u skladu sa procedurom utvrđenom članom 10.14. Izbornog zakona BiH i Uputstvom o postupku provedbe posrednih izbora zakonodavnih organa vlasti u Bosni i Hercegovini, u okviru svojih nadležnosti provela proceduru posrednih izbora za delegate iz Skupštine TK u Dom naroda Parlamenta FBiH.

Prije pristupanja proceduri tajnog glasanja u skladu sa članom 31. Uputstva o postupku provedbe posrednih izbora zakonodavnih organa vlasti u BiH, Komisija je izvršila žrijebanje redosljeda kandidatskih listi na glasačkom listiću za delegate iz reda bošnjačkog naroda po ovjerenim listama Šadić Muhameda, Bećirović Hajrudina, Abdulahović Mustafe, Šiljić-Sagdati Redžibe, Čaušević Seada i Šabović Saliha, poslanika u Skupštini TK koji su članovi Kluba bošnjačkog naroda u Skupštini TK.

Konstatovano je da je iz reda srpskog naroda ovjerena lista Ilić Slađana poslanika u Skupštini TK kao člana Kluba srpskog naroda u Skupštini TK i za delegate iz reda hrvatskog naroda ovjerena lista Šimić Zlatka, poslanika u Skupštini TK, kao člana Kluba hrvatskog naroda u Skupštini TK.

U Klubu bošnjačkog naroda predloženo je šest kandidatskih listi čiji je redosljed na glasačkom listiću utvrđen žrijebanjem.

Na listi Šabović Saliha, poslanika Saveza za bolju budućnost BiH u Skupštini TK-a predložen je kandidat Azabagić Alija.

Na listi Šiljić-Sagdati Redžibe, poslanika Stranke demokratske akcije u Skupštini TK-a predloženi su kandidati: Skopljak Fahrudin, Jašarević Bajazit i Smajlović Maida.

Na listi Bećirović Hajrudina, poslanika Socijaldemokratske partije BiH u Skupštini TK-a predloženi su kandidati: Bećirović Hajrudin, Šerifović Mersed i Kamenjaković Samir.

Na listi Čaušević Seada, poslanika Socijaldemokratske partije BiH u Skupštini TK-a predloženi su kandidati: Čaušević Sead, Šaković Senahid, Kupusović Omer, Mujčinović Suada, Hadžić Dževad, Okić Azra, Mustafić Ferhat i Ustavdić Murisa.

Na listi Abdulahović Mustafe, poslanika Stranke demokratske akcije u Skupštini TK-a predloženi su kandidati: Bašić Zahid, Alić Senad i Šiljić-Sagdati Redžiba.

Na listi Šadić Muhameda, poslanika Stranke za Bosnu i Hercegovinu u Skupštini TK-a predloženi su kandidati: Imamović Besim, Šadić Muhamed i Hasić Asmir.

U Klubu hrvatskog naroda predložena je jedna kandidatska lista.

Na listi Šimić Zlatka, poslanika u Skupštini TK-a iz reda hrvatskog naroda predloženi su kandidati: Divković Ivo i Šimić Zlatko.

Iz Kluba srpskog naroda predložena je jedna kandidatska lista.

Na listi Ilić Slađana, poslanika u Skupštini TK-a iz reda srpskog naroda predloženi su kandidati: Ilić Slađan i Jovanović Zoran.

Služba Skupštine Tuzlanskog kantona je bila zadužena za tehničku pripremu provođenja izbora. Štampano je 35 glasačkih listića, od tog broja 30 glasačkih listića za izbor delegata iz reda bošnjačkog naroda, 3 glasačka listića za izbor iz reda hrvatskog naroda i 2 glasačka listića za izbor iz reda srpskog naroda. Glasačke listiće je preuzela Komisija za izbor i imenovanja Skupštine Tuzlanskog kantona.

Komisija je konstatovala da su liste svih predloženih kandidata unesene na glasačke listiće za svaki od konstitutivnih naroda i predložila da se obavi tajno glasanje. Komisija je konstatovala da su obezbijedeni uslovi za provođenje tajnog glasanja. Nakon provedenog glasanja, Komisija je konstatovala da je glasanju za izbor delegata Skupštine Tuzlanskog kantona za Dom naroda Parlamenta FBiH pristupilo 34 poslanika u Skupštini Tuzlanskog kantona, i to 30 poslanika iz reda bošnjačkog naroda, 2 poslanika iz reda hrvatskog naroda i 2 poslanika iz reda srpskog naroda.

Svi glasački listići su važeći.

Nakon prebrojanih glasova, Komisija je utvrdila da je u Klubu bošnjačkog naroda glasalo:

- za listu Šabović Saliha 0 poslanika,
- za listu Šiljić-Sagdati Redžibe 0 poslanika,
- za listu Bećirović Hajrudina 7 poslanika,
- za listu Čaušević Seada 8 poslanika,
- za listu Abdulahović Mustafe 8 poslanika,
- za listu Šadić Muhameda 7 poslanika.

Za listu Šimić Zlatka iz reda hrvatskog naroda, glasalo je 2 poslanika.

Za listu Ilić Slađana iz reda srpskog naroda, glasalo je 2 poslanika.

Komisija predlaže Skupštini Tuzlanskog kantona da usvoji ovaj Izvještaj i da se isti dostavi Centralnoj izbornoj komisiji BiH, radi konačne raspodjele mandata delegatima Skupštine Tuzlanskog kantona za Dom naroda Parlamenta FBiH.“

Potom je predsjedavajući Skupštine predložio sljedeći zaključak:  
*Skupština Kantona prihvata Izvještaj Komisije za izbor i imenovanja o izboru delegata u Dom naroda Parlamenta FBiH.*

*Skupština Kantona je jednoglasno usvojila navedeni zaključak.*

Predsjednik Kluba poslanika SDP-a *Dževad Hadžić* je u ime Kluba zatražio pauzu od 15 minuta. (11,30)

(12,05)

Nakon pauze, predsjedavajući je zamolio da jedan od kandidata za mjesto predsjednika ili zamjenika predsjednika Skupštine, upozna Skupštinu sa konačnom odlukom.

*Zlatko Šimić* je obavijestio Skupštinu da su u pauzi kandidati za izbor na mjesto predsjednika ili zamjenika predsjednika Skupštine Tuzlanskog kantona, odlučili da predsjednik Skupštine bude Bajazit Jašarević, a zamjenici predsjednika Zlatko Šimić i Slađan Ilić.

Sjednica je završena u 12,05 sati.

Sekretar Skupštine

Ahmet Smajović